

gnedigen herschap unde dussir stad eyn punt geven, unde we darumme angelanget worde edir besecht, de solde de broke geven edir sek des mit synem eyde entledigen, unde ^{a)} diit sal me holden so varlik mit den bröken alse tor brudlacht.

[II.] **Spielverbot.**

Vortmer sin de amptlude unde rad overkomen, dat neyne borgere noch medewonere bynnen edir buten dusser stad dopelen sullen noch dopelen laten in oren husen. We dat darenboven deide, den solde me von stunt panden vor eyne mark, so vaken he dat deide.

We ok anderer spele mit botzende¹⁾, weddende, kartenspele, müntende²⁾, screffscheitende³⁾ unde andere spel, de unredeliken gelijk dopelnde, dreve, solde ok so varlik unde brokhafftich sin alse dopelspel.

[III.] **Sitten- und Straßenpolizeiliches.**

Ok welk frawe edir maget hir wonhafftich eyn kind to unechte gewunne, de solde dat kind eyn jar beholden unde darvor solde or des Kindes vader eyne mark geven, unde we dat so nicht holden wolde, den wolden unsir gnedigen herschap amptman unde de rad in der mate tuchtigen unde botwerdigen, dat ^{b)} eyn ander daran dengken solde.

Ok ^{c)} so ensal up dusse wynachten neymant schodüvel lopen.⁴⁾ Wel aver we in hövescheit dantzen edir lopen, mach he don buten der kerken.

Ok ensal over vastelavent neymant mit larven edir verbunden antlate up deme koyphuse lopen noch dantzen.

^{a)} unde bis brudlacht durchstrichen. ^{b)} dat bis solde durchstrichen. ^{c)} Fol. 9. Über Ok zu diesem Absatze gleichzeitig bemerfft Non est opus.

¹⁾ Kegelschieben. ²⁾ Spiel mit Münzen. ³⁾ Schießen nach einem Streidestriche? ⁴⁾ Schautenfellaufen, ein Maskenspiel in den niederdeutschen Städten.